

臺灣戰紀

下卷

臺灣戰紀卷之下

海東洪棄父纂

台灣人民之自動
抗戰

歲乙未九月。劉永福既去。殘兵或去或潰。或竄入山。日軍徇沿海沿山各地。越十日。自鳳山分軍南下恆春城。自中部分軍進屯內山埔裏社。自臺北分軍取後山宜蘭縣。陸軍由三貂下北關。水軍由蘇澳徇南關。臺疆略定。祭悼陣亡將士。高島副司令率一隊凱還東京。總督巡臺南。返臺北。布告民政。是時惟後山花蓮港未進軍。而臺東尙有清官及兵。可不勞而定。故總督府以下官預備新歷一月元旦。行大慶賀。是日爲舊歷十一月甲寅。十七而十一月癸丑。十六既望夜。忽有民衆會政府城事。來者二大股。一股新竹

胡嘉猷率自三角湧突出。一股臺北陳秋菊率自大龍磅突出。圍攻城下。殺聲槍火連天。夜中三千餘人如萬人。計劃一覆省城軍。可以四出破他處屯軍。除各地辦務署。四方自多響應。而總督樺山自洩臺來。尤未臨陳。及是從夢中驚起。親督軍守陴。憑城發礮。城下民軍阻於城。屢衝不入。城上軍隊密梯不能及。圍攻既久。天大明。城外大稻埕。艋舺。二大市也。無敢開門。亦不焚掠。即各散去。路中惟毀八芝蘭學校。殺守路軍人。而日軍見其退。則亟啓關追。並焚附近村堡。殺早行人。窮治徒黨。而匪徒多散入山。治者輒非匪徒。於是全臺戒嚴。拘繫各地辦局諸公。元旦不賀。遣兵搜索山外居民。開道路。設郵局。而丁巳後山警報至。乃復有宜蘭之變。初

日本之取臺。惟宜蘭最恭順。宜蘭者。噶瑪蘭也。光緒己丑。改廳爲縣。城中有土著老舉人候選縣李望洋。約各鋪戶。日日候迎日軍。臺灣之迎日軍者。無甲乙科人。亦無士籍。甲科若施士洁。若許南英。均襄助劉永福。饒事。時事去則已。亦去。鹿港蔡德芳。雖不與事。亦望風去。惟李望洋。利無廉隅。不去亦不隱。當全臺未有剪髮時。首先剪髮變服。躬迎日軍。宜蘭人目笑之。則曰。吾以老頭皮易蘭城生命也。然望洋之媚敵。時時遭侮辱。益爲蘭人所輕。兵士亦復凌虐居民。輒出擄殺。於是抗者四起。自礁溪。旱溪。迄員山。暴徒爭攻屯軍。自蘭城北至頭圍。南至羅東。處處騷然。日軍走淡水。十二月丁卯朔。調軍艦二艘。派遣混成第七旅團。向蘇澳上陸。蘇澳北

去蘭城五十里。距頭圍八十五里。越四日辛未^{五初}軍至礁溪。又二日癸酉。軍至頭圍。守備軍復至。民衆不能支。弱者潰。強者悉入鼎底孟。鼎底孟四面山。四壁峻。外隆而中窪。壑谷走番山。日軍入。輒挫。乃屯山外以困之。越丙申年二月朔。越二日。總督府命使者至臺東州。咨清知州去就。越七日而恆春守備隊及水師亦至臺東。臺東者鳳山後山之東。清乾隆時七十二社番地。歲納饌六十九兩。時閉時通。視同棄壤。志所謂卑南覓也。州治地實迤南。光緒初元。日本尙未統一。薩藩西鄉從道欲擅兵。則以舟師攻牡丹社。報仇殺。是地屬瑯嶠。在臺灣南端界外。清遣欽差福建船政大臣沈葆楨。率軍來。日軍退。始駐兵。自瑯嶠鑿山刊木。通卑南。瑯嶠即今

恆春也。光緒十五年己丑。極南置恆春縣。極東置臺東州。及是。清知州張儀春。交出土地冊籍。勇丁名簿。退歸國。而水軍復北上。收花蓮港。花蓮港在臺東適中。與埔裏社對。於是全臺始悉入版圖。侯爵伊藤博文來視臺。地方報肅清。第二師團歸還。頒布民政官制。而腹地繁盛之區。伏莽又蠭起矣。（卷）初日軍之至。各地平民懼甚。路絕行人。炊火無煙。市街闐寂。民間相驚以倭。鷄犬無聲。及肆爲淫暴殺戮。民轉藐之。相指詬不以人類目。軍政施則憲兵可殺人。民政施則警察可殺人。憲兵長之良者。亦能約束軍隊。憲兵不使肆暴。而良者鮮覩。日本惟民政長官水野遵。老成有漢學。有懷柔臺灣心。日人之欺侮臺人者。懲奪臺灣權利者。斥本其政略。可以

抗戰

以柯鐵為首之大坪

安輯內外。永遠無事。而武人當權。視為無能。新進操切。以為老朽。不旋踵而去任。其他將官。則皆庇日而屈臺。吏復腴脂剗肉。民無所控愬。弱者吞聲。強者走險。舊與日為仇者。或為之備。於是南路有鳳山嶺。大岡山之變。中路有大坪頂。刺桐巷。埔裏社之變。而大坪負隅最久。施拒踰四年。其始事則丙申三月也。山陡峭。連大山。在雲林治斗六街東南。最曰大坪。距街二十餘里。次曰小坪。十餘里。山有村落。亂時民多避入。故人煙轉盛。維時有山外民被兵虐。婦女被侮者。徙山中出貿易。遇兵奪其貨。乃寅夜結隊。刼兵舍。刼日商。并刼憲兵署。既諗日兵怯。不敢追。則習為故常。晝刼街外。夜刼街中。日軍不堪。則鳩四處守備兵於斗六屯。購民間知寇巢者。

民漫應之。指大坪頂以告。而又告大坪人。於是兵隊深入。導者迂其途。無所遇。日暮至山崦而還。則焚旁山村落。於是山下人悉與山上合。而夜刼敵者益數。亦稍取富室以爲資。丙申四月。日軍聚衆復攻大坪頂。大坪民已徙入山內六里。曰部庭尾。山尤四面峭。中一道如線紋。旁則古樹喬松。參差蔽天。石纍纍。或圓或隤錯。怪鳥睥於林閒。獸駭羣起人面。兵隊不能成行。輒尋有竹屋者焚之。屋則無人。前去嶽巖。不敢再上。循大坪左右麓而燬。有柯鐵者。業製紙者也。年二十二。爲製紙家削竹浸池。勤力作。不隨衆爲非。身手健。喜獵獸。亦精槍法。時始娶婦。爲儕輩調笑。與山人十數輩。避兵山間。兵至爭走。柯鐵曰。是可取也。君走。則槍與我乎。衆付之。有

槍十二桿。彈子十袋。於是放火樹下。蹂入深叢間。登高望兵最多處。連發槍擊之。兵出不意。盡驚駭。疑中伏。槍亂鳴。且擊且走。柯鐵則復轉他路截之。兵見無人。復止搜山。而槍復至。至如雨。蓋柯鐵挾十三響槍一。七響者三。餘亦四五響。每一發連至如三四十槍也。兵有傷者。有仆者。昇而行。山深日暮。不敢留。柯鐵一路截之。敵疑伏多。遂大奔。先是日法嚴搜軍器。民多埋之。及是取出。洗刷不工。柯鐵連放。已敝其八。惟十三響及七響者。四桿不燬。柯鐵挾以追之。柯鐵徑道熟。年少趨捷。行林木間如飛。倏東倏西。其來閃屍。槍無定處。故能以一人獨驅敵五百餘人。軍裝糧秣。悉委於路。懸尸荆棘間。有至腐者。由是柯鐵膽益壯。儕輩匪徒。羣以此服之。遂

有十數輩與聚。號之曰鐵虎。日軍至斗六。夜已黑。警守至天明。亦聚衆謀報復。聚既多。越二日再行。再至大坪。柯鐵至是則不復避。招所與處者。益以旁近山民數十。出伏林閒。兵既過而伏發。截成兩處。在內者突欲出。在外者猛欲入。柯鐵等列槍齊起。上等兵下等兵。殪五十餘人。守備隊長亡二人。狼狽奔返。大坪頂人有歸巢者。遂作蹶塞計。而部庭尾村長張考。家饒裕。商業數處。不欲仇倭。乃遣人至大坪。勸柯鐵徙入山內。願資鐵築室。毋生事。柯鐵悅。而衆人者素聽張總理言。則亦散。張考乃令人至斗六。託保良局關說。民政局以張考兄張是作引導。窮治起事者罪。守備隊隨之行。既入山。則聞無人。張是引至數村焚之。村各遺有鷄豕米粟。餽使

掠之。復窮搜數山。還報土匪遠颺。俟緝獲。冀可了事。民政局。日官也。許之。令約束近庄民。毋助匪類。而守備軍以隊長亡。兵多暴骨。不可已。顧畏大坪頂路險。雖引導不敢入。於是出哨。見有從山出者。即謂匪人。輒捕之。殺無辜十數輩。而張是子到斗六貿易。亦被逮。張是聞之。恃有前日鄉導功。則至軍保之。亦被收。民政局長聞之。親至守備隊勸釋之。而武人藐文吏甚。立殺之。張考既喪一侄一兄。則憤不爲保家計。招匪徒黃選等。助柯鐵任爲之。張考家素豪。山中往來者多就宿。聞其欲舉事。則羣至。張考乃收買軍械。舂硝藥。磨刀礪槍。出饟食。其族屬張大猷。張呂赤。張呂良。咸攘臂起。於是白晝列隊至斗六。攻守備兵屯所。柯鐵佩刀挾槍袒而行。衆

酣呼即隨之。分數道守備兵。一日數驚。五月辛丑。初七飛遞集臺中。

嘉義彰化各處防軍。至雲林謀剿之。而大坪頂已先有守禦。插木爲杙。編竹爲籬。誅茅爲寮。自小坪至大坪。一路數寮。寮爲營。營大者數十人。小十餘人。復出前官軍所棄巨礮。置險要。自山上亘山下。俱設伏。明警墩。有敵至。鳴槍爲號。則他處應之。所聚皆亡命徒。有無父者。無兄者。無子侄者。皆兵所殺也。有無家宅耕業者。無牲畜者。無菽粟者。皆兵所焚所掠者也。衆至山。無有厭恨。以報仇爲快。恨倭不大。至於是五月壬寅。初八日。兵集斗六者。天未明。吹喇叭。造飯。秣馬。蓐食。人帶飯丸。攜水飲。負槍橫刀。牽馬輦礮。紅帽兵。黃帽兵。皂帽兵。各以色分隊行。挑夫成羣。以吳明爲鄉導。望大坪頂。

進發。未至山。天明。進至山麓。搜伏然後行。近小坪。巨礮望山壑深。斃處轟之。礮震山谷。林木簌簌下。見無人。再行。或攀籐。或爬石。既入小坪。諸山民度兵入伏。四山鳴礮齊起。或前或後。或出中間。殺聲殷山。槍大至。皆出林木間。或隔溪壑呼譟以驚之。兵大隊不能行。少輒爲所算。草木陰翳處。數槍起。則疑爲大衆。山頭見人形。往則不可及。而呼聲槍聲。愈出愈近。有截擊者。軍遂亂。於是中槍者。躓者。踣者。顛者。俯前墜者。仰後絀者。奔散者。有被牽入林木中。慘殺哀鳴者。計軍位凡九等。自將以下。曰大佐。中佐。少佐。曰大中。少尉。爲差。是役集各處軍。自大佐大尉以下。死者數人。兵丁雜目。死三百餘。具見文報。負傷遯歸者。嘉義守備軍長。中佐益田氏。少佐

臺南鳳山及大岡山
人民之抗戰

左籐氏中隊長大尉古市氏。暨雲林支廳憲兵警察人員。或潰或傷。不可勝數。中尉中村益明。爲山人生獲。凌遲死。懸屍山麓。越數日跡得之。軍中大號慟恚恨。於是電至臺北總督府。始報土匪猖獗。請益兵。蓋前此兵隊。一度登山焚燬。則報一次土匪掃攘。實不見敵。而駢殺山下人爲功。及是始不可掩。然是時臺北臺南各有暴徒紛起。臺北旁山諸處。徒黨衆多。起非一地。擾非一時。倡首非一二。而以簡大獅陳秋菊爲主名。臺南之亂。則鳳山縣北爲大岡山。鳳山縣南爲鳳山嶺。二山不及大坪山之遠。大岡山屹起平地。西至海。南至小岡山。東去後山尙遠。介安平鳳山二縣中。鄭青之部。自應募。一當日軍。劉軍去。遂竄伏四處。及是合新附之衆。出沒

於大岡山。攻至阿公店。阿公店之街。當臺鳳孔道。有駐兵。有支廳。一蹂躪而南路梗塞。故鳳山嶺之徒。益不可制。鳳山嶺在鳳山治南三十里。倡首爲林小貓。山中聚黨數百。出新草嶺。攻鳳山城。更遠攻阿猴街。縱橫剽悍。出輒有二三千人。二處守備兵無如何。其地遠。戰跡不詳。然鳳山官署。至遣人議和。劃地分界。約曰。界以內。軍警不許入。界以外。武裝不許出。其勢力偉大可知。當是時。臺北簡大獅。臺南林小貓。中路柯鐵虎。不約而同。各建旗鼓。謂之三猛。大坪頂屢攻不破。衆以鐵故。咸目之曰鐵國山。五月己酉望。遂立鐵國旗。旗鼓游奕下山。駸駸乎勢力伸於平地。於是復有庵古坑林杞埔事。（達）庵古坑距大坪頂八里。在山麓。如小坪然。日軍旣敗於

陳細條及陳發
為首之林杞埔抗
戰

大坪無援軍。不敢深入。則循大坪山麓而燬。至庵古坑。村人素守法。懼甚。村中總理庄民宰鷄豕。列酒食出迎。兵至不問。齊縛之。使列兩旁。一兵對一人。喊聲槍殺之。村民或駭走。則追屠之。放火焚屋。至梅子坑等村亦然。然有先走者。於是遠近鳴鑼集衆。競起截擊。各隊兵豕突而歸。遠近村乃盡切齒。皆附大坪頂。扶老攜幼。闖入其中。壯者則矢出報復。(文)而林杞埔距大坪頂斗六。各二十里。亦苦其地憲兵暴。不能堪。有強徒在陳水家衆談及。曰。何不殺之。陳水曰。無其人。有陳細條者。素聚亡命。習與匪類依。曰。我能致之。一夕而聚。歷數之。八十七人。曰。可作矣。陳水本雲林縣胥。計長取巧者。曰。姑徐徐。而細條之徒。出入市中。藏利七短槍。衆譁土匪至。土

匪者倭指目大坪頂之名也。憲兵殊畏之。越二日愈譁。陳細條度不可已。日中春羣起攻之。憲兵將出而槍至。急閉屯所門。屯所本占陳姓祠堂。門戶堅不入。衆灌石油火之。夜逸於斗六。而其時復有集集街殺兵事。集集在高山中。爲入內山埔裏社孔道。距斗六大坪頂七八十里。亦先爲兵殘而後殘兵。人衆者勝。兵隊不支。竄走南投。各地騷然矣。陳細條既攻破憲兵。林杞埔人懼禍。齊見陳水曰。君等孟浪。今奈何。陳水乃招諸長老往大坪。明見陳舫。陳舫者細條叔父也。居刺桐巷。爲一方豪。亦避兵徙此。細條不敢見。陳水述之。舫乃召細條來。細條兄大條亦來。舫曰。少年乃作事累人乎。既作之。當受之。可尋。臙鼻發。臙鼻發亦舫侄。清國時行劫。爲舫